

寒
來
了

小寒山子近言



己卯正月以教官居家机字
庶便偶取卷書得此冊送

經下經篇 半石文 正月時



青未了小引



莊生有言受命於天惟松
栢獨也正在冬夏青青吾
未聞虬榦龍鱗迺至與羣
芳凡植爭悠促之期也推
之至長上古闕萬劫而長

青不泐者則莫如山色之
壽故湘曲可終而江上之
蒼然不改也杜少陵少年
詩卽有齊魯青未了之句
繇今翫味此言卽謂少陵
至今在可耳吾友小寒山
子欲以青之一字遙締秦
山丈人今卽百餘首乎余
知山靈之不以青竭子也
赤城松柏可移作日觀五
大夫青有了乎其亦問諸
少陵吾師乎又不必沾沾

錢仲文故事矣

八閩年社弟黃光若木
甫題



青未了總目

小寒山陳函輝木叔甫纂

九青百韻

引青

初青三首

韻青二十四首

池青十五首

寓青十首

燕青十五首

榜青二十五首

還青

餘青

九青分韻詩予自入都至南還已百餘首矣
懶於再作序併題百韻紀之

代序卽闡青蕪詞愧繡鏡詮莊同郭象頌杜
比劉伶冷韻依孤磬洪音起寸莛文章誰得
意品物自流形律按孫吳隊佳傳燕趙姪有
花穿蛺蝶如水點蜻蜓醉月襄陽聖乘風禦
寇冷將杯邀塊磊舉棹泛飄零憶昔途多阮
相看泪每邢聯檣盟志業作客嘆伶仃旣涉

淮南渡、偕來濟北亭、速應歌窈窕、嫁不惜娉婷、

帝網三排甲、雷符六叱丁、盡言茹瑰異、咸矢吐精靈、健翮凌霄鶚、親情急隰鴿、茅柴沽野店、荇菜擷河町、好句呼僮寫、殘篇托友訂、猶琴思借軫、似劍請加礪、獨賴金閨彥、恒分石髓馨、和追元結什、狂發次公醒、蕙葍書於簿、蓬蒿采亦莽、未因施笑里、翻爲泚憐涇、記宿南池夜、豪呼太白星、八閩忘主客、五斗罄壘餅、飽噉陳平肉、分貽婁護鯖、炙饕携七箸、魚羨下罾乎、漏沒東方曙、繩低北斗暝、頗無文約法、懼以飲沉冥、忽奉壇壝長、重申禁止令、四聲姑束閣、三爵必封鐺、吾黨朱霞品、寧寒白馬刑、諸君均唾鳳、是日遽囊螢、或毀君苗硯、誰窺董仲櫺、予生多懶惰、子語未叮嚀、不用開筭篋、何由慰梗萍、賓龍爰寂寂、載鶴且

泠泠敢赴平原約、惟篲祿閣熒、滄洲帆竟過、
興濟纜無絳、滕六朝霏雪、封姨晝捲暝、蒲葦
燒斷岸、雁鷺失前汀、霰集初馳檄、冰堅已凍
舲、其時修半刺、竟往謁居停、小邑傾高蓋、疎
林息倦翎、頗多賢達士、欣接往來駢、草舍移
床第、荒郊倒醪醢、寓青方十日、浮白殆千鉞、
把袂姚墟秀、揮毫漢苑燼、兼譚消夕話、數餉
御冬蠶、座列丹虹架、門懸白獬釘、殊方逢好
友、異候霍深疹、臘近驚寒策、霜嚴凜隕蓼、蒙
戎修短褐、徒倚葺行鞮、速命倌人駕、先驅逆
旅輶、揚沙風伯信、洗轄雨師陞、去去遵高躅、
行行陟邇坳、戰聲搖朔壘、祥靄護
王廷、更挿牲書社、重翻蠹本經、石田耘問圃、
花樣繡拈姪、所喜長垂翅、俄看乍振鈴、吳娃
輕粉黛、楚客重篲筵、戴記人加席、羲爰叟負
苓、重光期在戌、一洗暈維營、尚惜蕢言斥、虛


誇賈論挺腹、笥顏自博、頭榜李先聽、氣豈張
雷望、音須鍾伯聆、閒辭青箬笠、許臥綠莎廳、
靜籟觀遲月、雄心掣迅霆、幾穿珠落索、休侈
玉瓏玲、故泪貂裘洗、新貧犢褲矜、溫溝衝瘦
馬、儼屋憇焦螟、姓向懸寒竈、名今側御屏、
早朝唐制律、觀政漢儀型、漫刺闈因鬼、長
班路叩魏、曹蜎同李、虺果蠃與冥、蛉市駿臺
空峙、飛鴻戶可扃、私携游寺屐、間設護花鈴、
婺室頻懷杞、堯堦倏度冥、象雖隨緯、闕鵬
亦徙南溟、予省沾恩詔、辭歸戀掖庭、遙
瞻雲舍綵、漸杳壁墀、玎七夕離燕邸、雙星渡
鵲、軫到灣、猶往路推轂、忽華筓、寒暫徵侯霸、
丹偏載管寧、河西雄虎鎮、海舶送龍鯨、恃有
涪翁跋、能湔藝沼腥、高風疑落落、古調惜惺
惺、作椽輸三語、許碁賞九齡、
天顏違玉陛、日影憶花瓦、近報驚烽燧、浴

邊犯犬羶、都城修百雉、牧政考三駟、國
 老憂方耿、微臣步亦屨、何當掃衛幕、一為勒
 班銘、在鎬歌周鼎、于湯見禹劔、尋常謀保障、
 百二固榮營、澶涿皆充藥、榘楠詎棄楫、亟培
 陶穴廕、肯種邵丘瓠、逸思慚傾峽、奇飈羨建
 瓚、簡編裁是帙、絲縷倍為紵、矢遯船堪扣、收
 琳楯莫縱、偶然題百韻、筆底數峯青、

時

崇禎甲戌仲秋日小寒山陳函輝木叔甫書

於泃口舟中



青未了

小寒山陳函輝木叔甫著

古人所作曰汗青曰殺青言殺青簡以寫書而火炙之令易落篆耳又曰炳若丹青以取之東方之色從火從木予火軍哉而木其人平生所好唯有青編間不能無吟咏枯髭數撚斷矣五色毛錐輒不足以擅出藍之譽舟過齊魯間同社郭彥深偶拈

九青韻見贈訂以社課之外郵筒往還不
可無此君時同行者十三人而始終酬和
不輟者予與彥深兩人而已前三首是朱
君開發端故以青字入聯中廿四首專與
彥深簡答故以青字束尾五韻皆分韻也
自繫纜南池同諸君豪飲達旦次日卽有
詩戒酒誥予併不敢約彥深因於興之所
到私自成篇亦不再限韻脚止取青字爲
篇首以不忘江上數峯青之意云爾其籤
各曰青未了取之子美望岳亦以予適行
魯道中知此生幾賦青青河畔草也自守
凍青縣旋取陸入京以至放榜後予假
南歸復渡青濟間風景依稀而同社諸兄
弟遂不能無劍合萍分之異青山不改青
鬢易絲念司馬之青衫追鄂君之青翰所
謂視此雖近邈若山河予不能不對鴉青

而泪下也。予記辛未被放時，爲社友夏長卿作登第後紀事十律，小序已暢言吾輩升沉恨債，而今偶獲洗黑貂之債，其遽無哀鳴於中澤乎？痛定思痛，言之愈覺耿耿，殊不足以災青簡，要當與天下不得志之友一買拋青，共讀爰記其詩於左。

初分青韻三首

江上北行喜逢郭彥深，話舊卽有見投。因約過船小集，率酬元韻，兼政朱君開姚聖之。

江上欣聯李郭舲，客星占聚故人星。畱賓饌約頒三白，簡韻詩郵得九青。酒與謫仙爲後聖，騷於漁父有同醒。不辭倦翮隨君徙，矯首凌鴻駕紫冥。

酒間用韻呈朱君開社長

十月江楓共泛舲，素心相對淡疎星。河流夜

嘯圖猶綠。草色霜寒岸自青。交論久嚴朱穆。
廣狂名都笑。次公醒酒。醜落落半生事。靜聽
高譚破窈冥。

君開偶譚往。夢有文潞公事。甚奇予占
之爲立飲一大白。

夜半高歌扣客舫。前身可憶伍喬星。漫嗟世
事供浮白。預卜芳名照汗青。洛社人應推獨
老。平泉石亦助先醒。潞公耆德溫公業。總共
先生集靖冥。

限韻二十四首

夜飲舟中彥深再拈九青韻卽席走答
小酌分江恰半瓶。便將船比醉翁亭。河空北
走龍魂冷。斗欲南看鹿夢醒。村望任人沽魯
酒。客庖慚子說婁鯖。相期尚有滄州約。檄到

金尊楊柳青。

楊柳青卽滄州郭外地

彥深以近刻易宗見示取酒快讀用買

嘆酬

吸盡沙頭笑挈瓶。扁舟竟過短長亭。杜陵久

得耽詩瘦。郭象初添注。易醒。易醒用 涪翁語使宰敢

辭天下肉。如臣偏厭漢人鯖。夜深光怪冲牛

斗。為讀君貽新殺青。

正讀彥深易衍偶取爐香吸之誤以為

茗也灰入其喉且嗽且笑有作

亦聞讀易有羸瓶奇字誰投玄草亭。恰值耽

佳添病肺。都忘剗醉驗頭醒。劉表剗針 驗容醉死灰

撥盡神仙蠹。奇饌頒來父子鯖。時彥深又以 其家詩譜見

示。忽憶心清香可妙。不知江上幾峯青。

吸爐灰偶然耳。姬人匿笑不禁古哲有

不知馬幾足者。用韻解嘲

行雨會翻幾尺瓶。雙鬟何處問旗亭。不知周

蝶栩栩然。夢誰辨。榮蛉悅爾醒。人笑為愚忘數

馬。我言雜俎類傳鯖。純灰滌胃尋常事。却吳

黎渦倩小青。

酒後與朱郭兩兄挑燈夜奕

每笑琉璃卜姓瓶。長安一局似郵亭。景純撒

豆聊為戲。浮漫屠龍早欲醒。取火偶參姑婦

勢。加餐聊勸主臣鯖。南越志有君臣鯖此行獨為收

官着黑白枰中拾紫青。

舟中病齒把卷自嘲

口業繇來戒守瓶。眉攢此際費調停。茗澆陸

羽聊消渴。酒禁公榮且學醒。怒嚼豈因呼羯

狗。饒義無乃博腥鯖。韓聯句有惡爵專腥鯖縱令沒齒

言無怨。畱付黃齏染碧青。

齒痛甚不能午饗。因命小奚煮粥

漫說澆愁有半瓶。祇堪啜粥問蕪亭。似茲炙

艾終難忍。何怪舖糟不願醒。人半恐同嘲習

鑿。乞餘何用餉侯鯖。呻吟未作飄搖慮。大笑

將無吃孟青。

舟中偶有見予正病齒戲筆擬騷

酒瓶也可作花瓶、隣榜何妨隱幔亭、刺棘圖
成心乍捧、投梭嘯在眼、猶醒偶然送倩、非挑
鳳無復垂涎、是合鯖倘肯雙蛾分一盼、畫眉
酬爾遠山青。

一友笑云此不足償詩也予乃借題憶
遠人悵然再賦

亦如下馬指銀瓶、煩爾箋詩類考亭、偶借閒
情搜句癖、遙憐可意廢眠醒、壚頭定憶長卿
犢、殿脚寧求婁護鯖、正似步兵聊醉臥、非關
雙眼對人青。

君開彥深屢訊病齒賦謝

旅病新頒覆酒瓶、未除百尺意亭亭、渾忘馬
齒衰將老、獨賴龍賓睡未醒、近業祇應題腐
鼠、長途耐可戒饞鯖、良朋藥餌勞相問、仰視
霜天古月青。

病齒非齒罪也彥深以八齒詩相謔句

格奇剗讀之為擊節嘆賞因以問齒

一效昔人責頭

三緘其口久如瓶所喜從無德政亭賸有風

流滋小過全因月旦忌同醒移文早已驚猿

鶴議罰惟當斷鮓鯖子羽責頭吾責齒自今

莫學海東青

議齒罪不任受也代為作辯

漱石如君學膽瓶敢違節制敗街亭齧妃孽

不由予作頌酒箴仍為爾醒久放深慚三語

椽長貧幾識五侯鯖自嗟薄福還開罪不若

人奴伴衛青

齒有辯且畏其多口過伯氏有怨言矣

因而慰之

敢嘆唇亡恥罄瓶正如椽竹困柯亭八齋妄

以肉為鄙三斗頻煩卿獨醒世路倘憎開狗

青未了
竇臣門豈羨戀魚鯖。淡寧莫易平生志，不見
穿斷耀簡青。

晚泊梁王城有感

取土爲陶笑盎瓶。梁王安在只荒亭。星臨斷
岸魚汀動，日落孤檣雁漏醒。膏野至今悲走
鹿，腐毫從古笑殘鯖。客懷預快南池近，一問
河橋酒幔青。

彥深有嘆舟中午餐襍烟氣作戲和一
笑

可有些桑貯粟瓶。何人載米問楊亭。黃梁倚
枕吹應熟，綠汁彈衣醉漸醒。仙筆自無烟火
氣，族庖故作祖龍鯖。只今爨下焦桐響，燃入
藜頭祿閣青。

和彥深兗州界上感懷

茫茫天地一空瓶。九點齊州界口亭。魯國絃
存文教衍，漁陽鼓近戰魂醒。政聲不替西門

豹方物猶來南越鯖獨有海氛勞肝食 廟
謨急為備登青

和彥深界口道中之作

坐吸沙頭小玉瓶乾坤兩鬢一孤亭路連河
濟分清濁人狎鷗鳧共醉醒蝦菜久題西子
艇鱸蓴初字季膺鯖越吟魯道無窮思從事
頻呼竹葉青

魯道初見河水奉懷母宜人

苦參正貯膽丸瓶此地由來說孟亭三徙未
成憐母老一經猶戀羨人醒尚甘菽水慚封
鮓因嘆河水缺臥鯖今夜溫衾思孺子萬年
枝有祝冬青

冬青一名女貞
一名萬年枝

因懷內子時慧君素君兩姬人畱侍老
母予偕雲間姬韻君北行

葬我陶家作酒瓶離亭却憶醉紅亭女三未
粲無勞妬茶七頻澆可解醒賴有羣鳩能頌

鵲携來半七且爲鯖雲間騰說尊羹美怕染
流酸伴甕青

同君開彥深先飲聖之舟中却辭予酌
不赴用韻走謔

何煩戒酒指擘瓶咫尺俄分隴首亭客舫恒
逢三日醉公壚乍阻七賢醒昔人飯有期鷄
黍此地尊偏負俎鯖謾道衆山堪對酒開牕
誰與納遙青

與同行諸友痛飲南池亭下因懷往蹟
何知杯甕與壘瓶魂魄猶應在此亭騎馬偶
邀三對飲醉龍更倚兩同醒眼空八極人如
蟻心媿孤蓬味似鯖他日南池譚勝事使君
誰與貫拋青

南池石壁讀少陵與任城許主簿同游
詩有感

此翁意不在尊瓶小集城隅亦有亭森木鳴

青未了
十一
蟬聲已咽，夕陽繫纜，夢初醒，野人不厭。惟精
飯，幽意相關，豈雜鯖。借問從來乘興客，酒闌
誰覓舊氈青。

因登太白酒樓

荒阜一丘酒一瓶，昔賢對酌此空亭。謫仙去
後月猶在，魯道依然人未醒。乘鶴樓，椎題作
鳳。吸鯨水，擊視同鯖。不知戴笠論文叟，笑指
屯雲幾處青。

彥深初拈九青，旋有青未了之韻，復以
琅玕相報，賦此答之。

正畏君饒寶母瓶，敢將金谷比蘭亭。珠傾十
斛香魂艷，燭映雙椽野夢醒。子建久應推繡
虎，郇公那敢侈奇鯖。貞珉倘問催詩話，但媿
相酬玉案青。

南池後十五首

南池一勺水，耳以李杜放飲得名，而主人

四明狂客也時同行張正長招飲達旦已
爲仲冬之朔矣諸社長戒不復作詩予與
彥深私犯之自太白酒樓過張秋梨甚美
望魯仲連射書臺不可無弔清源之作正
謂臨清流而賦詩也絃歌舊里慕澹臺氏
之風平原布衣追東方生之俠濮上桑園
遺音猶在滄州興濟美酒可沽前後記之
得詩十五首焉

舟過任城止拈九青一字皆以鯖將窮
也笑拈一首

新改青州從事青未知下酒幾尊瓶三章已
許除苛政片鱗初聞定食經一任西陽稱雜
俎無煩辛苦配腥鯖自今擊磬催賡韻要爾
揮毫手不停

祁止祥爲作畫扇上賦謝

洗筆橫披一抹青遙峯遠陌肖真形虎頭老

手兼三絕。雞社文人又五丁。道骨栖於梅福里。仙才繪爾浩然亭。胸中丘壑誰應過。可識江天有客星。

七閩張正長示以近義深嘆獨造時聞其內弟楊兄以十四魁鄉闈

譽爾何煩芥取青。勇餘刃已發霜。劓胡琴漫碎長安市。道笈先傳大幔亭。獻賦定推司馬里。移文還藉草堂靈。相聞尚有雄能似。小友應無媿九齡。

遲陸彥先船不至

遙見安山擁岸青。故人小棹似離亭。忘歸蝦菜偕西子。送遠風帆賴巨靈。隱几咏詩須我友。臨江釀酒媿同醒。無繇一借君苗硯。擊汰高歌共載舲。

過張秋夾河而城同行十二舟俱宿譙樓之下

石頭跨水峙高青綠盡平蕪許放舲設險自
來譚保障當關誰可恃藩屏譙門夜值金門
漏藿食謀參肉食聽十二同心方百二賢人
占聚潁川星

東昌望魯仲連射書臺

魯連遺燕將
書年纔十二

東昌門外柳青青客子停舟醉醪醑向服魯
連天下士今來荒草一空亭書遺敗將尋常
事齒比甘羅十二齡不識火牛何處用却將

片紙藉聲靈

抵臨清關關使者桂鞞生見遺刻稿

桂殿芳名重簡青頻年後輩識新硯臣心水
比清源使有筆光搖奎木星誰問二東歌杼
袖自慚三北嘆飄零故人贈我昭華瑄今夜
應添玉案螢

清源權關者三同行舟待之三日感而有嘆

室如懸罄野無青半募鋤耰備朔庭一里更
煩三使者千家能有幾餘丁漢繻莫負終童
棄周緯徒勞婺婦聽自媿書生空涕泪六丹
何日續箴銘

經武城 先聖廟仍塑像

先師古廟肅丹青遺像於茲有典型不信絃
歌畱下邑可憐徑竇起中扃陽侯久返高賢
璧公事空遺客座銘安得言游三百輩四方
出宰頌清寧

夾馬營同諸友登岸散步因譚宋事

偶類前朝耀史青香孩非此誕寧馨徒多祠
廟供香火不見營壘設伍丁中國幾登真宰
相至今猶嘆小朝廷興亡漫挂登臨恨曾記
希夷指一星

四女樹與彥深考其故事不得

見說明妃墓草青數峯今復泣湘靈佳人獨

立憐燕趙女隊相看妬尹邢邂逅偶然成一
粲淒涼今夜益三星文蕪莫道能消恨請讀
飛蓬樹背經

平原懷東方曼倩聞盧德水先生隱居
未能走訪

大隱能游禁闥青滑稽千古一沉冥武皇但
訪安期子德水今添處士星自借先生風後
死何妨我醉聽人醒平原十日空懷想可有
東方射覆經

桑園濮頭豈桑濮之遺音耶笑而問之
不見微行歌踏青桑間濮上說娉婷審音曲
漫稽師曠好色風非刺衛靈已少張梨疏滯
氣欲沽魯酒換高冥應知闕里無遺行莫向
花營遣赤丁

夜宿馮家口與止祥彥深諸兄沽酒禦
寒預愁河凍

青未了
七
可是將軍大樹青
滹沱夜色迂玄冥
酒人快事呼三甲
河伯愁予檝六丁
風雪有亭頻着屐
笠車無路且揚舲
長安此去仍聯袂
肯向江千歎葉萍

過滄州古渤海郡也聞酒美以舟行甚急不得買

十千恰剩篋
蚨青斷岸無繇繫
小舲畏壘猶傳龔
遂異糟丘且聽屈原醒
河壑半渡催冰信
雪映孤帆送酒星
滕六夜來將棒檝
野鳧蚤已避寒汀

寓青戒途十首

詩豈有識乎仲冬之十日
河水夜合榜人不能復行
諸同社曰子謂青未了而今
了矣予笑曰未也
干雲蔽日之木起於菑青
正以此地爲丹青引也
管衛青善戰幕南數千里
無王廷秦青善謳其音繞梁三日

青未了
不散予今且爲浪子燕青矣因記青雖小
邑而雅多韻人姚氏三先生皆能詩能古
文詞皆以少年舉存廉其巨擘也吾於王
劉二君得傾蓋交焉於沈系野得桑梓交
焉於北衛諸主人得逆旅交焉誰謂阮途
之無青眼乎以次紀之得十首

青縣凍成青識也同行尤之賦以解嘲
青女憐才目也青欸畱一夜凍雲汀石尤置

酒羈行旅路鬼催詩上客駢偶爾紀游當一
映何知占聚合三靈小舟載雪難乘興且共
扶搖徙北溟

借住劉宸寵小齋姚彥襄廢堯柱顧兼

携酒榼

依劉偶爾寓於青有客翩翩訪獨醒三宿何
煩頻載酒一燈好共細譚經竹林屢把君家
臂蘭社初邀地主靈自此往來幽興熟會須

下馬指銀瓶

賡堯嗣君鼎晨元年十九以戴記初登

北榜

青箱家學謝藍青十九賢書羨茂齡
洗馬乘車初載壁長文抱膝早占星
爲霖旱歲須龍種此日秋風有雁翎
聞說救時君世業好將三策射彤庭

同彥深君開飲王六符齋頭卽席賦贈

江南好酒說河青偶住青丘問挈瓶
幸遇主人能訪雪何須行客遽侵星
尊開北海畱驚人座笏柱西山學御冷
他日緱頭揮手謝迎君吾亦遣丁令

青丘送維曼止祥正長聖之諸同社先發

青翰連舟伴看青客卿分手送高駟
健飛漫羨雲端雀畱滯應憐隰上鷓
煩汝早尋沽酒

青未了

望爲予先覓護花鈴長安此去春將獻彩筆
如椽好乞靈

青寓近同鄉沈承野屢過畱飲天涯有
比鄰之感詩以謝之

客鄉賴有爾眸青義重維桑豈泛萍下酒夜
能供筭板畱賓冬亦置花瓶杖頭好我分司
業流寓何人識管寧如此居亭堪度歲不知
晦朔落堦葉

住青二十日始買車北行賦謝同好
一日應拈一字青巨鐘無力舉枝筵浮家社
始聯新譜載鬼車皆帶舊經前月應酬多雜
沓此番形影太伶行定交自古言傾蓋莫謂
浮踪似海萍

過太城北衛兩庄甚擾主人時大風揚
塵畱宿賦謝

敝車羸馬已辭青風伯吹塵沮外垆屋上之

青未了
三
烏人亦愛杯中蟻客難醒頻年北道多賢
主此日東偏近德星旅枕忘寒應作夢夢騎
鵬背擊南溟

涿州瞻禮大樹樓桑是劉先生故里去
翼德村不遠

離奇聳幹老無青蜀主童時倚翠屏大樹尚
畱神鬼護前朝已逐葉柯零至今野叟譚遺
佚猶指將軍共戶庭不識錦官丞相栢力支
一木隕營星

夜宿蘆溝橋南有綠林投石而去

王家舊物少氈青羞橐何煩顧赤丁投石已
知餘勇賈挾鈎頗覺旅魂醒如今舉世皆銅
馬無可貽君只劔翎寶玉大弓渾興盡眼看
陽虎笑芴靈

燕邸十五首

寓燕無他事止有閉戶讀書與同人訂交

社耳遇前輩以場事近沈約四聲宜與四
戒俱嚴予笑曰只不戒九青一韻可乎時
海內相知深如友夏龍友兩公述之端木
年少諸友皆詩人也友夏之言曰早知窮
達有命恨不十年作詩予感其言而得如
千首如左

至燕邸復寓東偏與同社訂文約

硯田無可稅苗青何處連篇月露形衣積馬
塵三寸許檄催雞枕五更聽涉川共擊中流
楫灌樹重翻老圃經兩度公車渾泪債又親
案雪與乾螢

長安除夕

韋編尚伴一熒青爆竹千門鬧歲星夢到孟
幃羞水菽春迎堯莢換堦莫讀殘蠹本隨年
束看老椒盤有泪零四十頭顱猶爾許還將
芝艸問前庭

甲戌元旦

縵袍猶帶子衿青每遇詩題泪債熒曆紀春
王花在筆車來長者席爲櫺康哉此日多封
祝白也前身是酒星但得百篇揮一斗艸茅
臣亦拜君靈

元日同李端木周彝仲姚象玄飲錢東
渤寓中

共醉長安竹葉青主人東渤客西溟好傾玉
椀澆元日行侍金門傲歲星梅發兩京傳細
菜杏栽三月長新莫踰糜馬上堪磨楮欲向
燕山一勒銘

吳淵如葉行可馬培原是日同過訪

有客過從話紫青六千君子問龍庭當年自
恃椽爲筆此地相逢葉是萍字載鬼車蒼相
哭圖看王會簡書靈不知今夜藜頭火幾
照吾儕鹿夢醒

青未了
閃碣宮宿呂公堂譚夢且告予兆

藜炬曾燃祿閣青更生新序動仙靈酒徒召
拜南柯郡文士名懸北斗星才盡幸貽江子
錦兆先爲洩任君鈴蹇驢多少邯鄲泪昨夜
遙分一枕醒

立春日移小寓避客

墨畹拋荒艸不青惰農無歲預愁醒閉關且
刈栽蘭譜開卷先翻種术經此日逢春剛八
穀頻年謁帝似孤萍獨憐灌溉能多待逆
數場功三十黨

喜楊龍友周又新至自白下

飽參天界萬杉青鍊得深山老衲形草向子
雲爰寂寞蓮歸茂叔有芳馨燕臺競市千金
骨蜀道初開五力丁望爾來遲輸爾捷秘文
傾貯發蕪聽

同龍友走訪譚友夏章爰發錢彥林諸

兄各出近藝相示

戶內牙籤伴案青雄文各自剖精靈靜心所
照惟遲月豪氣難除亦迅霆鷗鷺橫空搏八
極蜃蛟戲彩起重溟獨憐十軸胡琴草幾擲
金聲與衆聽

奉侍鄒靜長師於燕邸時以廉訪使入
朝

清風猶帶代嵐青三載埋輪在驛亭持節獨
行 天子法褰幃人避使臣星肅鴻久繪監
門疏威鳳新傳韋曲經漫說尊鱸鄉思切簡
書指日又 彤庭

洪載之許我西鄒廷若劉爾受沈隣秋
萬年少黎仲實鄒欲伯過訪皆不值
而去作此簡答

訪舊誰畱半刺青偶騎瘦馬出郊坰三年滿
屋朋爲月此日題門客有星把袂無因譚一

青未了
出提壺且自酌孤醒尚須直叩高齋坐指點
笥中覓句聽

李小有招同譚友夏韓雨公鄭超宗程
大來李端木周粲甫萬年少張爾唯
諸同社燈樓雅集

相將火樹看銀青禁話時文只酒經移到北
山規晚節占來東井聚繁星燕秦楚越皆同
調憔悴支離有獨醒且喜謫仙畱看月驚人
佳句帶醜聽

第一場後同同社葉具五周翼生應吉
生王五生韓之孫譚塲事家仲孺亦
至

琅玕滿紙已丹青吾黨猶然渾醉醒自古塲
皆迷五色何人筆可護千靈中台紫氣通南
極小硯文瀾接北溟春草夜來頻入夢好將
尺檄下邊庭

場中兩與萬年少同舍年少尊君惺新

先生吾師也予先有夢因紀之

年少才高馳譽青篆沙先甲剖英靈筆鋒避

爾應三舍花影移人已八瓦萬石家風皆謹

厚千秋友誼豈叮嚀與君此夜聽蓮漏莫負

吾師僕射廳

江本湛復來譚命與家仲升語予意合

縫掖安能決取青人言司命久揚靈宮惟磨

蝸能生謗劍若屠站能枉發劓賈宋有疑逢季

主墳箎相和說文日生吾家聚穎多奎璧會轉

璇璣駕赤霆

放榜後二十三首

昔人下第有詩登第亦有詩故有項之虞

兮劉之大風悲喜之致殊自懸絕而予以

為正不必乃爾憶予辛未所作贈夏長卿

貴履吾諸篇情摯意直不敢以青雲薄待

故交則予之有今日也予每飯意未嘗不
在鉅鹿下也孟郊看花之什千古笑之乘
車戴笠何足據乎惟是疆場之役自束髮
以來大小百餘戰而始獲勒銘於燕然每
一放榜後蘆溝橋畔總是灑淚之亭張家
灣側無非載愁之舫黯然消魂正在茲日
言念及此雖釋褐述懷贈友諸篇聊以志
平生忠孝之思而于唐人早朝應制體固
自不可同日語明矣天下有人心當自諒
之

初登第述懷

頻年失路笑拖青此日重將舊泪零幾許劉
蕡車畔哭空憐賈誼席前聽三遷夢尚懸親
舍七尺軀惟矢闕廷天祿不煩藜杖照案
頭還有讀書螢

將朝赴鴻臚書名循舊制也

紅額於今乍點青漸將名姓側題屏古人所
嘆埋荒草姝子何修獻 大廷始信儒冠能
見 帝偏欣匣劍亦邀靈相逢半是新蘭譜
幾個前科不涕零

早朝 皇極殿墀下

聖人建極雨垓青新采菁莪映莢莫斗指

堯堦同忭舞霞籠

禹鼎共晶熒

鳳樓色

映千門瑞蛟海文開八代靈自媿涓涖難報

稱願簪彤管紀勛銘

予一路皆拈青韻而榜首名偶應之豈
詩亦有前定耶併以紀異

太白前身又太青長庚天上降雙星如來再
世爲金粟第一仙人是壁經宮錦無煩彈柳
汁筆花蚩已吐蘭馨詩題未了名先應何謂
文昌不効靈

與同門陳伯玉金柒臣朱聞玄牟子遴

二十人謁座師因懷同社下第諸兄弟

宮袍遙念布袍青
茅拔蘭摧摠涕零
知我自應同國士
悞人畢竟是遺經
心儀瑞鳳多騰藻
目送飛鴻盡鍛翎
從古賢關堪皓首
考槃何怪矢沉冥

放榜之三日恭逢

聖駕躬耕藉田敬賦小詩紀事

夙戒農祥闢草青
朱旗玉輦護千靈
天生后稷爲時夏
帝繪豳風在古亭
無逸共歌周曆久
有年尤慶禹功寧
草茅新進難隨蹕
拜讀臣工敬爾經

喜顏壯其以五經 賜上第

綠文自古出於青
聖世尤欣有典型
三絕編傳顏氏學
五車字載少微星
孝先腹笥嘲高足
師古家乘笑考亭
日下卿雲膺特眷
報

青未了
恩豈止在明經

釋褐

江州司馬溼衫青無乃琵琶不可聽且與黑
貂聊洗辱誰知玄豹亦通靈衝星劍爲張華
泣流水琴同鍾伯聆明日玉墀同忭舞霞

衣應惹

御爐馨

吏部觀政初讀律什

西山曉色送來青捧檄初隨從事廳自古讀

書須讀律何人懷德又懷刑選稽考驗皆觀
法笞杖徒流亦典型新奉簡書程涉歷微

臣咫尺拜

威靈

時久旱祈禱從部堂後趨事

赭山爍海草無青雲漢憂天在內廷六事
桑林聞罪已千官疏草說停刑好風好雨星
徒嘆疑鬼疑神魑有靈要使萬方沾沛澤命
倌早晚稅郊垆

集吳澹人齋頭爲譚江上徐霞客游興
此君始不負山青竟以青山作戶庭着屐知
渠能幾量褰裳訪友自重溟閩圖五岳爲游
鈔醉倚三峯是寢屏莫笑東方多志怪見隨
夸父逐圓靈

從文用昭年兄奉問九江曹象先業師
因及星子同社但惟肖近狀

匡家兄弟列峯青下有真人結隱亭曾昇藍
輿隨粟里兼尋白社過莎廳九江遙望是何
處五老別來今幾齡同社及門分不淺欲緘
天一附鴻翎

送毛五有之任華陽令

劍門千嶂列丹青叱馭初馳九折輶捧檄情
欣爲菽水當關險設有圖經令多貴客如司
馬人到天河卽使星蜀道比來憂寇盜須君
脫穎試新礪

許我西初授南武部喜其覲省甚便以
在翁年伯先任水衡也詩以送之

鍾山佳氣鬱蔥青四牡駢駢擁畫輶作手許
公推大小冰心家學見儀型宮袍着去娛斑
彩壽竿携來捧醪醴倘遇同庭詢宋誼水曹
原是老人星

送徐大津令武陵

花源深處草青青半是秦人擁漢輶雞犬亦
隨仙作令桑麻全借福爲星行經峴首碑猶
在笑問漁郎路可扃莫道官閒無一事成蹊
須覓種桃經

答友人問台州有何佳境

萬仞嵯峨壁立青古云地濶海冥冥琪花瑤
草山中果雨髻風鬟洞口婷雀馭吹笙開石
壁鵝羣染翰寫金經無端醉後逢天姥月照
瓊臺夢未醒

牟子遴得 請歸娶同門賦詩送行亦

用前韻

預修眉顰貯螺青通籍金閨叩 闕廷十九

人中車是璧三千里外渡為星珠簾月照芙

蓉幄寶鼎香籠翡翠屏此夜粧樓應索咏莫

言江上遇湘靈

送劉任先初授潼川刺史

此道誰云難上青遙占紫氣擁鹽亭偶登藜

閣傳新序聊示蒲鞭省舊刑五馬行春同岳

伯一琴入蜀豈郎星曾聞涪水堪摩厲保障

須君為發劂

讀光含萬竹笑新詩美而有嘆

此君久矣咏青青却映琅玕綠字馨不厭千

竿畱月影何人一笑落繁星因招桂樹賡同

調光詩是潘木公選定肯過椒軒問獨醒落落子雲吾

所愛無煩再讀草玄經

青木了
三
爲朱爰起年伯母題壽詩爰起另書之
泥金箋上蓋有特賞戲志其事爲一

絕

曾聞晉帖重來青此事今仍見考亭玉軸裁
雲題綠字金壺瀉汗寫玄經眼看嫫母娛王
母心喜文星頌歲星何怪山陰劉道士白鵝
籠去換黃庭

葛無奇侍御贈畫箋兼言筆作且問及
予近狀偶以青綠天然改首韻奉答
竹與圖書倚石屏穉川於此著丹經粧臺尚
記題詩日帝座俄言執法星咸羨侍中偕
萼綠謾詢高士伴樵青錦箋彤管供香案只
合吹簫駕雀駟

平鳴鳴不平也是袁特丘辛未所作與
予載愁篇意反而合追賦以自廣焉
放後無門訴玉青讀騷應續反騷經諸袁鼎

足張南紀一戰旄頭掃朔庭案有畱侯澆塊
磊杯從李白慰飄零殘貂故泪猶堪把痛定
翻愁不忍聽

吳美子貽秋舫箋詩力洗晚聲歸於大
雅讀而嘆之

分貽秋水映空青筆洗瑤天入翠屏十五占
風推季子晚中逆數得先型題箋有舫纔稱
韻飲酒兼騷始字醒忽憶吳江楓欲冷木蘭
耐爾載如馨

朱行仁先生曾以藥石生我臨行往別
念其垂老京華泫然有賦

幾見方瞳又返青蘧蘆舍內總浮萍朱家老
矣猶能俠孺子貧乎只有經人到古稀情自
惻酒於別路淚先零臨岐更說何珍重好把
金丹鍊鶴形

送楊龍友讀書雲間

送君此去萬山青恰載琴書放小舸龍友字
香驚海嶽鱸魚秋好憶華亭關西夫子今東
道日下文人自北溟聞說機雲俱入洛雒壇
白馬問誰刑

南還諸州

寓都門無別事讀律讀史

新令也閉門

之外止有拜客殊訝其無謂偶讀王遂東
先生詩云買數長班牽一馬六時功課去
溫溝不覺啞然一笑此言雖謔豈非燕市
一畫圖乎函輝 試敘選尾與同事黃可
文陳大士劉同人諸兄皆得 請南還而
輝也兼遂觀省之私仲米潘輿戴 聖恩

如天地以巧夕出張灣布颿無恙風景不
殊與辛未年所紀載愁時豈能無故涕重
流之感同行者同社莆陽黃若木里中侯
旗生諸友遇景輒味臨流賦詩亦一樂也
以次紀之得詩如干而予頻行予假出
門諸作則已載在刪社中故不復及

出都聞警馬上有作

鞍轡籠朱劒匣青馬蹄塵暫謝郊坰玉珂矯
首聽鴛鴦烽火驚心問犬羶未有六箴陳
象闕私將三表策龍庭書生杞藿愁無當憂
國於今尚典型

張灣放船因憶辛未年撰日記載愁悵然

追賦

去天尺五九霄青拆字郇模謾織畊念母
遙瞻雲下舍懷人乍過水心亭尋常酒望畱
賓日瞬息風帆送客星回首昔年懷往路小

舟再著放愁經

德州舟中與雲間張求我夜譚用韻奉

贈

王孫艸在岸猶青江上餘酣漱晚汀偶遇平原爲此飲能知曼倩是何星秋風豈獨尊堪憶斗氣從來劔可聽久羨茂先稱博物聯舟好與問圖經

其二

携來伴可有樵青玉樹兼聞唱後庭初訂志和招釣隱莫隨屈子讀騷經鴻文久著一莖艸雉社新聯兩葉萍此去雲間鱸正美幸分羹撥酒魂醒

舟過故城與若木訪周粲甫於澹庄留飲席社時沈無謀孫無疑同集共分青字

相將北郭望遙青散步閒過玄草亭詔徑偶

開逢二仲瑾醇纔到看三星高人里內推同
好酒伴場中許獨醒時若木不飲日暮艤舟楊柳
岸黯然別賦不堪聽

周粲甫所居是澹臺先賢故里

聞風欲問蘇碑青古士於今尚有亭里以澹
臺爲後輩人如粲甫亦先醒身雖隱矣榛途
關汝得人乎蕙譜馨謾與陽侯爭尺壁直翻
蛟蜃障文溟

席社極人文之盛無謀粲甫爲盟主所
訂皆同志友也前一日集此恨舟來
稍遲有缺把晤小詩寄題壁上以志
懷想

劒芒映赤簡垂青傑在人乎地亦靈自古北
方多學者兼今東道有文星欣從廣社譚鴻
藝却恨扁舟滯鴨萍來歲綠楊容繫馬研田
爲勒策勛銘

席社是盧德水張天如選定

何人狎主汗篇青指出風雲露月形怪奉玉
川爲北伯平司金鑑是南星綠圖亦借先生
定黃石偏呼孺子聽合併漢唐三四傑從君
壇坵試鋒刃

客冬過平原訪德水先生不果今復從
榮甫讀其閒居三十首高風可仰遙
致服膺

鴻飛千仞薄高青水豈惟深德則馨辭爵有
瓢何害隱讀騷兼酒莫言醒每羞此徑人稱
捷惟服先生獨字冥聞侍板輿供菽水應從
將母註忠經

德水先生居平原郊外閉門著述事

近聞舉
一子

數間破屋一編青隱矣何煩問歲星每憶著
書稱卜夜兼傳生子字添丁新刊杜藁郵常

青未了
訂向避申蒲戶獨扁莫以蒼生汚洗耳知君
不負北山靈

沈無謀以近草見示是袁譚諸賢尋味
所不到讀而嘆之

五色何能剗却青遙峯昨夜擁螺亭君家四
韻多翻調友夏三歸亦乞靈臨本獨拋淳化
帖辨才兼折淨名經苦思莫遣移腰帶飯顆
朋尊一細聆

孫無疑於席社中年最少而人盡疑其
匿歲所謂以貌取人失之子羽也時
若木亦悞呼爲社長因笑而紀之

髻時每憶羨年青荏苒今來四十齡偶值漢
文猶老老翻疑顏子亦星星駒非伏櫪難藏
齒鷲欲搏空必匿形誰道澹臺遺杏席斬蛟
千古赫聲靈

粲甫遣諸力夜送予舟至夾馬營力還

青林了
寄謝

酒酣暝色入船青誰挽長河助建瓴賴倩一
帆呼水伯閒看三老借畦丁中原鹿走驚營
馬枕畔蟲飛攪睫螟殘夜小牕山吐月思君
不見過前汀

若木讀先人誌銘以詩見投次韻賦謝
先人遺事蘇碑青共比中郎有道銘旌檻頗
無慚古直析薪聊復媿寧馨沉香浦口譚盟
水瀑布峰前說御冷羨子史才過倚相欲將
彤管一邀靈

附若木原作

敬向昌黎問汗青千年人誦晉堂銘但言
薑桂爭秋辣誰識芝蘭亘代馨插漢仙標
添突兀酌泉宦蹟總清泠從來史傳垂廉
吏文苑輸公寸管靈

將至任城奉和若木舟中卽事之作

青木了
開窻霽色納遙青恍憶天孫入杳冥秋水灌
河連極浦夜聲經雨沒前汀陶朱住此船堪
隱地去定葉白貽君市可腥午夢乍驚呼欸
乃起焚香篆讀黃庭

附若木原作

幾樹垂楊浸水青新晴斜照寫空冥魚依
帆影時衝浪雁掠蘋梢欲過汀兩岸秋山
經雨媚三家野市隔河腥書生不作江湖
夢中夜思焚老上庭

任城諸先生和子美南池詩有成刻矣

予倦未能戲拈青韻解嘲

催逋懶和舊氈青別燕衰蟬帶雨聽間載謫
仙千百艇偶浮狂客一孤萍生來飯顆稱詩
瘦老去糟丘頌酒醒傳語任城東道主江天
誰是故人星

過黃河口拜水神廟再讀遺碑悵然

青未了
感賦

繫宋諸忠照汗青今知陽夏亦三靈壘山旣
隕纍臣魄臯羽曾埋處士星茗汜不慚稱後
死汨羅無用說先醒提戈倒挽天河水要洗
中原羊犬腥

其二

英爽流黃氣貫青重磨白日起朱靈辦香逝
矣呼張傑紗帽溫然淨管寧幾向廟前欽肅
穆無煩洋裏嘆零仃登萊近有逋逃孽擬借
迴瀾問不庭

舟中得家書喜老母以下俱平安

一紙家書慰眼青開緘二字報安寧慈親尚
念長安米愛妾私詢蕩子輶語我爲官多寂
寞離家作客半飄零故園親友煩相問處士
新兼吏隱星

得家孟手書知其病愈善飯

夢裏秋池草半青
醒來箋雁恰迎舲
長途獨勸餐增七
磬室初傳粟貯瓶
雞肋有官知首
宿馬肝無恙
賴參苓兼欣抱膝
諸孫好老去
重將理說鈴

過邗江飲鄭超宗齋頭有作

隋家楊柳夾隄青
訪友河干一繫舲
谷口何人稱大隱
台州自古憶先醒
天涯倚劍聯交
譜地主遲杯問酒
經三絕新箋幾題
跋臨岐頻過領佳亭

超宗初失偶醉後賦詩慰以代陪

不禁紅泪漬衫青
牧子哀絃醉裏聽
鸞鳳鏡中尋隻影
鸕鷀裘外憶孤醒
鼓盆且和逍遙
吏荷鍾須邀頌酒
伶別去遙同參靜
理曉風殘月正前汀

畱贈彭椿齡別駕

蕭蕭盧畔一燈青
繫纜沙頭問挈瓶
北雁書

逢彭子佩南州榻照故人星河渠拜爵題循
吏客署追歡問典型此去扁舟京口驛黯然
別賦不堪聽

彭使君携酒追予江上併賦別緒

久憶青州從事青平原飲後旅魂醒秋光此
夜槎如水宦興三年署似萍半刺何煩頻載
酒孤燈好共細譚經歸帆明日金山寺回首
江天有使星

過維揚初得閏君

時又秋之二日

章臺柳色折來青不枉楊州有素婷閏月與
秋添韻事佳人如舫載芳馨欲裁小袖傳新
話仍寄餘酸引舊經無奈孟光渾見慣小星
今改作繁星

舟中聞家園被火之信遙念老母

太乙燒殘藜火青柳州書至慰飄零老餘蠹
本遭回祿貧只雞窻付丙丁繞樹有烏驚夜

青未了
月思家如雁宿秋汀忘憂不解唯萱草欲借
奇肱到里庭

失火後得家慈家孟書時七月初間事

也

祝融何意亦垂青先甲重來顧敝廳

予甲寅
火今甲

戊又

流火稱詩剛七月渡河悵別是雙星母

兄遠信能排解書劍遙傳盡杳冥所喜作人
無長物只憐焦死讀書螢

舟過毘陵讀三山勝社詩睠焉有褰裳
之想歸舟甚速不及訂期因賦小詩

寄呈木公開少諸社長以志景懷

三山杳靄納遙青訪舊重過京口舲勝社獨
畱詩作刺江天誰指客爲星尋常酒望投孤
轄咫尺風帆送遠汀此去尊鱸秋正好旅懷
擬續放愁經

舟中夜坐聽閨君彈琴

青未了
綺應名綠案名青譜出流泉咽可聽客舫時
挑司馬癖秋魂夜喚水龍醒七條玉向朱絃
瀉十指冰從素女矜恐與嫦娥增舊恨碧天
高處冷銀屏

閏秋望日虎丘步月

此文瑤天故洗青一輪重到可中庭新秋望
後剛逢閏片石人來半度伶能解閒行唯我
輩轉添客感是浮形謫仙死後金樽在擲符
舟過毘陵讀三山勝社詩睠焉有褰裳
之想歸舟甚速不及訂期因賦小詩
寄呈木公開少諸社長以志景懷

三山杳靄納遙青訪舊重過京口舡勝社獨
畱詩作刺江天誰指客爲星尋常酒望投孤
轄咫尺風帆送遠汀此去尊鱸秋正好旅懷
擬續放愁經

舟中夜坐聽閏君彈琴

青未下
綺應名綠案名青譜出流泉咽可聽客舫時
挑司馬癖秋魂夜喚水龍醒七條玉向朱絃
瀉十指冰從素女矜恐與嫦娥增舊恨碧天
高處冷銀屏

閏秋望日虎丘步月

此文瑤天故洗青一輪重到可中庭新秋望
後剛逢閏片石人來半度伶能解閒行唯我
輩轉添客感是浮形謫仙死後金樽在撫倚
欄干照醪醴

繫舟吳門復病腸血甚劇二十日始甦
東方之木應丹青化碧如何累幻形酒我一
腔幾濯濯遊神八極似泠泠鍾聲夜半愁爲
枕藥案朝來血有經近遇長桑傳肘後又畱
四大伴浮萍

烏戌與沈彥方話舊兼及兒輩事

幾醉烏程竹葉青故人笑指讀書亭情癡俗

尚畱眉臉藁本家猶當酒經老我一冠彈貢
禹多君三戟起蘇頰吾兒謾詫能跨竈頭觸
屏風總不聽

茗上夜泊

清茗雨後晚烟青碧浪洲前繫客舫漁火帶
星移小浦雁更啼月點孤亭十年白戰吾將
老此地烏程酒獨醒猶憶現山詩話社友生
歎絕雀鳴經

月湖將解維朱君開黎仲實至夜話

欸月湖頭剪韭青故人相對話沉冥一杯濁
酒送窮泪三疊陽關催別經前日共嗟携草
簞子雲謾戒指滑瓶隣雞遮莫啼殘漏恐負
河橋一幔綖

馮公翥社兄招同關上胡使君錢塘張
學博西湖共泛

碧知湖外草偏青點入雙高楓葉亭使者有

疏停酒榷侯門無路餉魚鯖人稱大樹髯尤
絕劔辨豐城眼獨醒今夜客舫擦倚醉莫交
明月下前汀

江邦玉見貽耳目日書且索予序

兩丸能洗一天青冰雪聰明藉爾靈姑妄言
之皆鬼事莫非命也是忠經綠文無用冠皇
甫紅日行看捧帝廷休歎窮愁多著述世
間聾聵儘惺惺

讀聞子將招隱書及湖舫約有感

年年水綠又山青桂樹曾畱幾隱亭直待巫
咸招不起始輸漁火話先醒野航恰受容誰
泛頑石能言共爾聽好喚孤山林處士月梅
同課種梅經

渡西陵大風

濤打天門岸捲青素衣千載駕銀輶錢塘戰
後龍魂怒蓬島吹來蜃氣腥一葉中流呼水

伯九歌半醉讀騷經拔刀砍罵仍多事請向
滄浪孺子聽

沮風錢清

一錢似水尚名青遺老當年臥去輶妬起石
尤能斷客狂呼麴蘖且占星家程五日頻添
夢旅況三年欲換形爲語東風莫相阻子安
滕閣亦揚舲

山陰道上

秋冬之際燒痕青萬壑爭流自不停遊似子
猷方愛雪隱如安道亦虛星扁舟昔日尋蝦
菜小築何年點客萍速問菟裘吾欲老生兒
當復喚添丁

陸宗華孟子安姚靜生三年兄畱飲

紅友凝香注碗青慙慙三益話離亭迷花久
憶人中聖訪雪初回道上舲筍脯細披叅竹
肉茅柴賒盡指壘甌鄉思此夜爲君住幾度

江干占聚星

夜半煮茗

偶攜磁碗字回青閒煮松蘿滿瓦瓶萬籟既
沉人寂寂寸心如火獨星星清能聞妙香將
燼醉好憂時酒漸醒夜半扣船叅靜理遠村
燕角到狐聽

蒿壩晚發

葉黃偏映麥畦青浪跡歸來歎滯停青女送
寒侵席帽白衣擔酒護磁餅荒村戍遠聽雞
漏敝僕衣單扣馬鈴話道官閒堪穩臥如何
此夕學披星

青林了

五古

圖

圖

